

Kev Kuaj Me Nyuam Yug Tshiab Ntawm Wisconsin: Peb Feem Rau Kev Pib Kev Noj Qab Nyob Zoo Kev Kuaj Kev Hnov Lus

(Wisconsin Newborn Screening: Three Parts for a Healthy Start Hearing Screening)

Yog Vim Li Cas Kev Kuaj Kev Hnov Lus Rau Me Nyuam Yug Tshiab Thiaj Li Yog Qhov Tseem Ceeb?

Koj tus me nyuam yug tshiab lub peev xwm los kawm paub txog txoj hauv kev sib tham, nkag siab yam uas cov neeg hais, thiab muaj kev sib raug zoo nrog lawv tsev neeg yuav raug ncua qeeb yog tias lawv tsis hnov txhua cov suab nrov hlo li.

Kev kuaj kev hnov lus rau me nyuam yug tshiab ntsuas koj tus me nyuam mos li kev kuaj kev hnov lus thiab tuaj yeem qhia cov kev xav tau rau kev kuaj taug qab saib mob.


Tau tshawb pom qhov sib txawv txog kev hnov lus ntawm tus me nyuam mos xub thawj, ceev zog uas tsev neeg tuaj yeem txuas rau ntau cov neeg thiab cov khoos kas uas tau tawm qauv los muab kev pab txhawb.



Kev kuaj kev hnov lus rau me nyuam mos ua hauj lwm li cas lawm?

Thaum koj tus me nyuam mos pw tsaug zog, tso suab nrov me mus rau koj tus me nyuam mos ob lub pob ntseg. Qhov cuab yeej yuav ntsuas koj tus me nyuam mos qhov hnov rau lub suab nrov yam uas raug. Qhov kev kuaj no yog nyab xeeb thiab zoo.

Txhua cov me nyuam yug tshiab yuav tau txais kev kuaj kev hnov lus ua ntej kev tawm hauv tsev kho mob los sis nyob rau hauv 30 hnub yog tias lawv tsis yog yug nyob rau hauv tsev kho mob.



Yam muaj tom ntej yog dab tsi?

Yog tias koj tus me nyuam mos tsis dhau kev kuaj kev hnov lus rau me nyuam yug tshiab, ces teem caij sib ntsib ua kev taug qab saib mob kias tam sim ntawd txhawm rau rov kuaj ua ntej yuav taug qab nrog tus kws kho hnov lus.

Yog tias koj tus me nyuam dhau lawv kev kuaj kev hnov lus rau me nyuam yug tshiab, kuaj xyuas lawv cov kauj ruam tseem ceeb txuas ntxiv raws li ncua sij hawm hauv qab no.

Cov Kauj Ruam Tseem Ceeb

Tej zaum koj tus me nyuam yuav tsis muaj qhov sib txawv txog kev hnov lus thaum yug los, tab sis mas lawv yuav muaj qhov sib txawv txog kev hnov lus ua ntu zus tuaj. Ncua sij hawm no qhia tias koj yuav tsum saib rau dab tsi thaum koj tus me nyuam loj hlob tuaj.

0–4 Hli: Koj tus me nyuam yuav ntshai thaum hnov suab nrov. Ntsiag to thaum hnov lub suab uas me nyuam paub.

4–6 Hli: Koj tus me nyuam tig mus ntsia los sis ntsia mus rau lub suab uas me nyuam paub los sis lub suab tshiab. Nyiam cov tswb nrov suab los sis cov khoom ua si uas muaj suab nrov.

6–12 Hli: Koj tus me nyuam mos tig mus saib los sis ntsia thaum hu lub npe. Tsim cov suab thiab suab nrov. Nkag siab lub ntsiab lus “tsis yog” thiab “sib ntsib dua.” Siv lub suab kom tau txais kev mloog.

12–18 Hli: Koj tus me nyuam siv plaub txog tsib lo lus nyob rau hauv 18 lub hli. Taw tes mus rau ib feem lub cev thaum nug. Nkag siab cov lus txib ib kauj ruam, xws li “muab koj daim phuum rau kuv” los sis “kaw qhov rooj.”

24–36 Hli: Koj tus me nyuam mos siv 200 lo lus thaum muaj hnub nyoog 3 xyoo. Mloog xov tooj cua los sis saib TV uas muaj suav nrog ib yam lwm tus neeg. Tau hnov suab nrov thaum muaj kev hu los ntawm lwm chav. Siv ob txog peb cov kab lus. Cov neeg txawv feem coob nkag siab koj tus me nyuam mos qhov kev tham lus.

Cim tseg: Yog tias koj tus me nyuam mos tsis muaj raug raws li ncua sij hawm no, nug koj tus me nyuam tus kws kho mob rau kev xa mus rau tus kws kho hnov lus (tus kws kho tshwj xeebtxog kev hnov lus) rau kev kuaj kev hnov lus tshwj xeeb.

Ntawm nov yog cov hauv kev uas nyiam, lom zem, thiab yooj yim los pab koj tus me nyuam mos kom muaj kev sib txuas lus tau ua ntu zus mus:

- Maj mam kov thiab saib xyuas ntau zaus, tuav, puag thiab maj mam khawm koj tus me nyuam tas li.
- Saib ntsia mus rau koj tus me nyuam mos tas li. Tus me nyuam mos nyiam saib koj lub ntsej muag.
- Luag ntxhi rau tus me nyuam mos. Thaum tus me nyuam mos luag ntxhi rau koj, luag ntxhi dua ib zaug ntxiv.
- Siv cov kab lus luv, yooj yim. Maj mam tham lus thiab hu nkauj thaum koj hloov daim pawm, muab tus me nyuam da dej, pub mis rau koj tus me nyuam mos noj. Siv cov kab lus luv, yooj yim.
- Qog tus me nyuam mos cov suab. Tos rau tus me nyuam mos los "tham" rau koj rov qab.
- Qhia tus me nyuam mos seb koj tab tom ua dab tsi nyob rau ncuaj sij hawm nruab hnub. Nug koj tus me nyuam mos seb lawv tab tom ua dab tsi thiab seb lawv pom dab tsi.
- Taw tes thiab tis npe rau tus me nyuam mos cov feem lub cev thiab lwm cov khoom uas lawv tuaj yeem pom.
- Nyeem rau tus me nyuam mos mloog txhua hnub uas siv cov phau ntawv zoo nkauj, muaj duab ntau xim zoo nkauj. Taw tes thiab tham txog cov duab.
- Nyeem los sis qhia cov lus sib dhos yooj yim rau cov me nyuam.
- Ua si cov nkees "npog qhov muag thab me nyuam," "npuaj teg," thiab lwm cov nkees yooj yim nrog cov me nyuam.
- Cia tus me nyuam mos lom zem nrog suab paj nruag thiab cov suab nrov thiab tseem ceeb tshaj plaws xws koj!

Kev kuaj kev hnov lus yog ib ntawm peb feem kev kuaj me nyuam yug tshiab.


Kawm paub ntxiv txog kev kuaj plawv thiab ntshav rau kev pib kev noj qab nyob zoo!



Rau cov ntaub ntawv kev paub ntxiv txog Wisconsin Newborn Screening Program (Lub Khoos Kas Kev Kuaj Me Nyuam Yug Tshiab) xab kees tus khauj QR los sis siv txoj kab txuas nkag mus hauv qab no!

Wisconsin Sound Beginnings Program (Lub Khoos Kas Pib Hnov Suab Nrov)

**Kev Kuaj Kev Hnov Lus Rau
Me Nyuam Yug Tshiab**



[dhs.wisconsin.gov/
newbornscreening/hearing.htm](https://dhs.wisconsin.gov/newbornscreening/hearing.htm)